

Nahúm

Nahúm elqui se tlajtol pannextijquetl catli ehuayaya ipan tlali Judá. Tlayolmelajqui para huetzis altepetl Nínive ipan tlali Asiria catli elqui inialtepe inincualancaitacahua israelitame. Teipa quema huetzqui, tlayolmelajqui quenicatza nopa Judá ehuani tlahuil paquiyayaj pampa huetzqui. Asiria eliyaya se tlali campa itztoyaj masehualme catli tlahuil fiero ininnemilis. Huetzqui Nínive 612 xihuitl achtihiuya itlacatilis Cristo. Nochi tlahuil paquiyayaj pampa TOTECO quitlatzacuilti ni altepetl tlen fiero masehualme.

Nahúm quipyia ome partes:

Nahúm 1 TOTECO tlahuil quitlatzacuiltis Nínive

Nahúm 2—3 Huetzis altepetl Nínive

TOTECO cualani ica altepetl Nínive

1 Ya ni nopa camanali catli TOTECO nechmacac na, niNahúm, catli nihua pilaltepetzi Elcos, quema nechnextili catli ipantis altepetl Nínive. 2 TOTECO itztoc se Dios catli quintlasomati masehualme pampa quinamiqui san yama quitequipanoca. Yeca quintlatzacuilitá huan quincualancaita quema amo quitelepanitaj. TOTECO momacuepa huan nelía cualani ica catli moyoltetilaj ica ya. Ica miyac cualantli quintzontlamiltá nochí icualancaitacahua. 3 TOTECO tlahuil quichiya para pehuas cuananis. Pero nelía hueyi ichicahualis huan yaya quiita para nochí catli tlajtlacolchijtoque temachtli quiselise inintlatzacuilitis. TOTECO quinextía ichicahualis quema onca ajcomalacatl huan quema chicahuac tlaajaca. Nopa mixtli catli motlahoua eltoc quen tlaltejpoctli iicxitla. 4 Quema yaya quimaca tlanahuatili para ma huaqui, huaqui nochí nopa hueyi atl, atlajme huan sacamilme ipan tlali Basán. Ica icamanal nopa cuatitlamitl Carmelo huan nochí nopa cuame ipan Líbano mososolohuaj. 5 Quema TOTECO itztoc nechca, nopa tepeme huihuipicaj huan nopa tepexime atiyaj. Mojmolínia

tlali huan nochí catli itztoque ipani tlahuil momajmatíaj.

6 Amo aqui huelis quijijiyohuis quema TOTECO mototonilijtoc ica cualancayotl. Icualancayo eltoc quen nopa tlifelemectli catli nochí quitlamitlatía. Quema yaya cualani, nochí nopa tepexime huehuelocaj.

7 TOTECO hueyi iyolo. Quema se motequipachohua, ma yohui campa ya huan yaya quimanahuis. Yaya quinximati catli quineltoquilaj huan catli eli iaxcahua. 8 Pero ininca tlachpana icualancaitacahua quen quema huala se hueyi atl huan nochí quihuica. Icualancaitacahua quintojtocatinemi hasta tlayohua.

9 ¿Tlaque anmoilhuíaj anquichihuilise TOTECO para anquitlanise ya? Yaya amechtzontlamiltis san ica se huelta. 10 Catli mochihuaj icualancaitacahua itztoque quen huitzli catli moxinepalojtoque. Itztoque quen ihuintini catli huetztihualahuíj pampa tlahuil tlaitoque. TOTECO quintlatis quen xihuime catli cuali huactoc. 11 Amojuanti ipan altepetl Nínive anmoilhuíaj se tlenijqui huelis anquichihuilise TOTECO, pero catli quej nopa moilhuíaj san fiero itlalnamiquilis. 12 Ya ni catli TOTECO quinilhui imasehualhua: “Masque

nopa asirio ehuani quipiyaj tetili huan itz-toque nelía miyaqui, na niquintzontlamiltis huan ayacmo quema nesise.

“Masque miyac nimechtatlajiyohuilitjtoc, ayacmo nimechtatlajiyohuilitis más. 13 Huan na nimechtojtomas campa anitz-toque anilpitoque ica tepos cadenas huan ayacmo nimechcahuas para xiitztoca quen anilpitoque por nopa asirios.”

14 Huan ya ni catli TOTECO tlanahuati tlen nopa tlanahuatijquetl tlen tlali Asiria catli mosehui ipan Nínive. TOTECO quijito: “Ta ayacmo tiquinpiyas moixhuihua para mocahuas motoca. Tlen amotipopahua ni-quintlapanas nochí nopa tiotzitzí huan tlaixcopincayome. Huan nopona timquis huan nimitztocas pampa miyac tlajtlacoli tijchijtoc huan amo quinamiqui para tiitztos.”

Altepetyl Nínive motlamisosolos

15 ¡Xiquitaca! Nepa campa tepeti huala ne tlayolmelajquetl catli quihualica se cuali camanalí. Techhualiquilis camanali tlen tlasehulolistli. Xiihuichihuaca antlali Judá ehuani. Xijtlamichihuaca nochí catli anquijitoque para anquichihuase. Mocualancaitacahua catli hualahuíj tlen Nínive ayacmo quema mocuepase pampa nochí ya niquintzontlamilti.

2 ¡Pero amojuanti ipan altepetl Nínive, xijtlacaquilica! Amocualancaitacahua ya anmechyahualojtinemij. Campa tepamtli xitlamocuitlahuica. Ipan ojtlí xitlapij-piyaca pampa nimantzi hualase para anmechhuilanase. Xiquincualtlalica nochí tlacame catli quimatij tlahuilanaj. 2 Anquitlamitlachtequilitoque tlali Israel huan anquicajtoque quen se xocomeca tzontli catli amo quiyiá imaxihuiyo. Huajca ama TOTECO anmechtlatzacuiltis. Nojquiya ama TOTECO sempa quitlananas tlali Israel. Quihuejecapantlalis nopa tlali hasta quiyiás miyac tlatlepanitacayotl huan chicahualistli quen quema Jacob mohueyimatiyaya ica iyeja nopa tlali.

3 Nopa tlahuilanani chichilhuis inintepos catli ica mohuilanaj. Huan xiquitaca nochí nopa tlaca tlahuilanani moyoyontij-toque chichiltic. ¿Amo anquinítaj? Inin-

cuacarros eltoc quen tlicuahuitl huan que-ma ya monemilijoque para tlahuilanase, huihuipicase hasta nopa huejhueyi cuame. 4 Nopa cuacarros ejelihuis nentinemise ipan amocalles huan campa amotianquis. Caquistis quen tlatomoni huan nesi-se quen tlielemectli. Motlalose chicahuac quen quema tlapehlani. 5 Amotlanahuatij-ca quintzajtzilis itlahuilancahua para ma hualaca quimanahuise amoaltepe. Pero quema injuanti moisihuiltise para hualase, motepotlamise. Quinequise ajsitij campa nopa tepamitl para tlacuallalise huan tlamocuitlahuise. 6 Pero ayacmo oncas ca-quihiuli pampa nopa cuapuerta catli ica motzactoya amoaltepe ya tlapojetos. Huan quen huala se chicahuac hueyatí, ya calac-tose amocualancaitacahua. Nopa hueyi cali tlen amotlanahuatijca ya sosolijtos.

7 Huan quiitzquise nopa sihua tlana-huatijquetl huan quinahuatise ma tlejco ipan tepeme para yas. Huan isihua tequi-panojcahuia ihuaya yase huan tlaayijhui-tyise quen pilpalomajtzitzí. Moyoltej-tzontiyase ica tequipacholi huan chocati-yase pampa ama nochí injuanti quinte-quipanose seyoc tlali ehuani ica catli ohui. 8 Nínive ama eltoc quen se pila catli ni-mantzi quisa nopa atl catli nopona quite-ca. Quen nopa atl, amosoldados nojquiya cholojtehuaj. Se quintzajtzilí: “¡Ximo-quetzaca! ¡Ximoquetzaca!” Pero amo aqui mocueppui ihuaya.

9 Se quijtohua: “¡Xiquichtequica nopa plata huan nopa oro! Iricojoyo Nínive nesi-yaya quen amo quema tlamisquía. Tlahuel miyac tlamantli catli patiyo quipixqui no-pona.” 10 Pero nimantzi altepetl Nínive mocahuas cactoc. Tlatzitzicatoc mocahuas huan tlahuél iseltzi. Yolmajmajca-mictoque huan tlancuahuihuipicatoque catli nopona itztoque. Campa hueli quin-cocohua quimachilíaj huan mocajtoque ixchipalantique.

11 ¿Canque eltoc altepetl Nínive ama? Nopa altepetl nochí quinahuatiyaya quen se hueyi león tecuani. Nimantzi quinequi-yaya tlahuilanás pampa yolchicajtoya huan motemacayaya. Nopona itztoyaj huehuentzitzí catli ayacmo tetique huan

coneme. Nojquiya itztoyaj telpocame huan catli motemacayayaj huan nochí itztoyaj ica temachili. Amo tleno ica motequipachohuayayaj.

12 Quena, amojuanti ipan altepetl Nínive acchihuuya aneltoyaj quen huejhueyi leones catli mosisínaj. Anquinmictiyayaj amocualancaitacahua huan ica catli anquinchtequiliyayaj anquintlamacayayaj amoconeňhua huan amosihuajhwa. Huan anquitemityayaj amochajchaj ica tequipanohuani catli tlacohualme huan miyac tlamantli catli pajpatiyo.

Mososolos nochí altepetl Nínive

13 Pero Toteco Catli Quinyacana Itequihaujcahua Ma Tlatlanitij quijito: “Amantzi nimochijtoc nimocualancaitaca. Nochi amoquacarros nimitzatlatis, huan nochí amoconeňhua miquise ipan tlahuilancayotl. Nochi catli anquicchtecoque na nijtlamiltis huan ayacmo quema quiyyas tlanahuatili ni altepetl para quintilanis tlayolmelahuani campa hueli.”

3 Anteicneltzitzti amojuanti catli anitztoque ipan ni altepetl Nínive. Se tialtepelt catli itemictía huan tiistlacati. Temitoc amoaltepe ica ricojoyotl catli quichiya ajqueya amechichtequilis. Amo quema anquinequiyayaj anquicahuase para amo anmosisinise. **2** Xijcaquica nopa lazo. Amocualancaitacahua quinmaquiláj inincahuayos para más nimantzi ma ajsize campa amojuanti. Xijcaquica nopa cuacarrros catli huehuechocatihualhuij huan iniicxhua nopa cahuayoym. Nopa cuacarrros catli chicahuac motlalojtihualhuij san pepetlacatoque. **3** Xiquitaca nopa machetes tlamintoque, huan nopa tepos cuachoso cahuani ica tonati pampa nopa miyac soldados quintlanantoque. Miyac mococojoque huan campa hueli catli mictoque mocahuaj ica tlamontome. Campa hueli tepejtoque mijcatzitzti hasta ipan motepotlamijtinemij.

4 Nochi ya ni panotoc pampa Nínive ehuani ininhuaya momatque inincualancaitacahua TOTECO. Ni altepetl yejectzi eltoya, pero yajqui huan ininhuaya momatque catli amo quitlepanitaj TOTECO.

Pejqui tlahuel tlacajcayahua huan pejqui quinmachtia sequinoc ipan sequinoc tlalme ma tetlajchihuica. Huan quinmachtijque quenicitza ma quichihuaca para momecatise huan quicahuase TOTECO. Huan quinhueyichihuase tiotzitzti catli amo melahuac.

5 Huajca TOTECO Catli Quinyacana Nuchi Itequihaujcahua Ma Tlatlanitij quijito: “Ama nimitztlajtolsencahuas huan tlahuel nimitzpinahualtis. Quen se quitlananas mocuex hasta mitzixtzacuas para mitzpinahualtis, na nijchihuas para nochí ma quiitaca tixolotl huan amo tlen tlen chicahualistli tipiya. Tlanahuatiani mitzitase ica nochí mopinahualis. **6** Huan nimitzpolos catli más soquyo huan nijchihuas ximopinahua huan miyac mitzma-huisose. **7** Huan nochí catli mitzitase mitztlalcahuise huan quijitose: ‘Nínive tlamisosolijtoc. Pero amo aqui amechtlasojtlas.’ Huan niyon se amo monechcahuis para amechyoltlalis ipan Nínive.” **8** Hue-lis ta timoilhuía para achi ticuali que Tebas, nopa altepetl catli eltoya nechca atentli Nilo. Tebas quipixqui atl catli quiyahualo. Nopa atl quimanahui quen se te-pamitl catli quiyahualohuayaya. **9** Tlalme Etiopia huan Egipto quimacayayaj chicalhualistli huan nopa tlalme Fut huan Libia quipalehuiyayaj. **10** Pero Tebas huetzqui ininmaco sequinoc huan inijuanti quinhuicaque nopa Tebas ehuani huejca para tetequipanotij. Ininpilconeňhua quintzon-tlatlapatzque ipan tetl ipan ojtili. Huan soldados quirifarojque para quitase catlique tlayacanquetl tlen Tebas quihuicasquía para quitequipanos. Huan nochí quintatacatzozque ica tepos cadena huan quinhuicaque para tlaijiyohuise hasta miquisquíaj.

11 Amojuanti nojquiya catli anehuani Nínive san anhuihuipicatose quen se ihuintiquetl. Anquinequise anmotlatitij pampa anquinimacasise amocualancaitacahua catli amechchuilanaquij. **12** Nochi nopa te pamitl catli ica anmomanahuáj sosolihuis. Anhuetzise quen se higo catli tlahuel icsitoc huan huetzi icamaco catli quitlamicuas. Tlacame amechtlamiltise

nochi amojuanti. 13 Nochi amosoldados elise quen sihuame catli amo quipiyase te-tili huan ayacmo huelis momanahuise. Se tlitl quitlamilatlis amopuertas huan nopa varas catli quintzazuayaya. Huan amoaltepe tlapohuis huan amocualancaitacahua calaquise. 14 Huajca ximocuatlalica para nopa tonali quema hualase soldados. Xicajocuica miyac atl para huelis anquijiiyo-huise quema amo oncas más huan noch huactos. Huan xijcualchijchihuaca sempa nopa tepamitl catli ica anmotzajtzactoque para anmomanahuise. Xijxacualoca miyac soquitl para soqui tabiques huan xijchi-huaca tlapeczecholi. Xijchihuaca adobe huan xijcacatzoca. 15 Pero quema annemise antlacualtlalíaj huajca nopa tlitl ajsiqui campa amojuanti huan tlatlas amoaltepe huan nopa machetes anmechmictise. Quen hualahuij ica ininmiyaca tlen pil-chapoltzitz huan quitlamicuaj catli eltoc ipan amomil, hualase catli anmechtلامي- huejhuelose. Masque anmomoyaquilise quen pilchapoltzitz, amo hueli anmomanahuise. 16 Anquinpiyaj tlahuel miyac tlahuani ipan amoaltepe catli momiyaqui-lijtoque quen sitlalime ipan ilhuicac, pero amocualancaitacahua noja más miyaqui.

Inijuanti miyaqui quen ininmiyaca pilcha-poltzitz. Anmechtlamihuicase noch amojuanti huan noch catli anquipiyaj. 17 No-pa tlayacanani catli ama anmechmocuitla-huiaj huan anmechyacanaj mosansejcoti-lise quen mosansejcotilaj pilchapoltzitz ipan tepamitl quema tlaseseya. Huan que-ma quisa tonati nopa pilchapoltzitz qui-saj huan yohuij huan amo aqui quimati canque yajtoque. Quen nopa nojquiya ya-se amotlayacancanahua huan ayacmo an-quinitase.

18 Ta titlanahuatijquetl ipan tlali Asiria, motelpocahua noch mictoque huan nesi quen cochtoque pampa tepejtoque campa hueli. Nochi mosoldados catli más motemacayayaj san mosiyajquetztoque. Momasehualhua mosemantoque campa hueli campa tepeme huan ipan cuatitla huan amo aqui para quinsentilis sempa. 19 Eltoc quen timotlamipojpostectoche huan ayacmo onca pajtli. Eltoc quen mitz-ajsitoc se hueyi cocolistli huan ayacmo quema huelis timochicahuas. Nochi catli quicaquise catli mopantitoc momatlajtla-tzinise huan san mocha paquise, pampa amo aqui hueli quipantis se tlacatl catli ta amo tijtlaijiyohuilty ica miyac tlamtli.